

**UNIVERZITET U SARAJEVU
PRIRODNO-MATEMATIČKI FAKULTET**

Na osnovu člana 82. i člana 86. Zakona o visokom obrazovanju-prečišćeni tekst (Službene novine Kantona Sarajevo, broj:22/10), od člana 23. do 30. Pravila studiranja za treći ciklus na Univerzitetu u Sarajevu, člana 208. Pravila Prirodno-matematičkog fakulteta Sarajevo i Odluke Senata Univerziteta u Sarajevu o davanju saglasnosti za raspisivanje Konkursa 01-34-435/12 od 18.07.2012. godine, Prirodno-matematički fakultet Sarajevo objavljuje

KONKURS

**za upis kandidata na doktorski studij – III ciklus studija na odsjecima za Biologiju i Hemiju
Prirodno-matematičkog fakulteta Univerziteta u Sarajevu u akademskoj 2012/2013. godini**

I

Raspisuje se Konkurs za upis 24 kandidata na doktorski studij –III ciklus studija na Odsjeku za biologiju, i 12 kandidata na doktorski studij-III ciklus studija na Odsjeku za hemiju na Prirodno-matematičkom fakultetu u Sarajevu.

Rang lista se utvrđuje na osnovu prosječne ocjene ostvarene tokom master studija po Bolonjskom sistemu ili u toku postdiplomskog studija po Predbolonjskom sistemu.

II

Studij se organizira u trajanju od tri godine, a njegovim završetkom stiče se naučno zvanje:

III ciklus Biologija

- doktor bioloških nauka/znanosti u oblasti biohemije i fiziologije
- doktor bioloških nauka/znanosti u oblasti ekologije
- doktor bioloških nauka/znanosti u oblasti genetike
- doktor bioloških nauka/znanosti u oblasti mikrobiologije

III ciklus Hemija

- doktor hemijskih nauka

III

Pravo prijave na Konkurs imaju:

- Kandidati koji su završili drugi ciklus studija i stekli 300 ECTS studijskih bodova u području relevantnom za oblast doktorskog studija.
- Kandidati koji su po ranijem Zakonu o visokom obrazovanju stekli titulu magistra nauka u području relevantnom za oblast doktorskog studija, kojim se priznaje 60 ECTS studijskih bodova trećeg ciklusa.

IV

Uz prijavu na Konkurs kandidati su obavezni dostaviti:

- biografiju
- diplome o završenom prethodnom univerzitetskom obrazovanju (original ili ovjerena kopija)
- plan i program završenog dodiplomskog studija i magistarskog/master studija
- uvjerenje o položenim ispitima tokom prethodnog studija
- izjavu o preuzimanju obaveze plaćanja školarine za upis na doktorski studij u visini utvrđenoj Odlukom nadležnog organa Prirodno-matematičkog fakulteta u Sarajevu
- dokaz o poznavanju engleskog jezika

Kandidat koji je stekao diplomu u inostranstvu prilaže dokaz o nostrifikaciji/priznavanje iste ili potvrdu da je taj postupak nostrifikacije u toku.

V

Cijena III ciklusa-doktorskog studija utvrđena je Odlukom U.O Prirodno-matematičkog fakulteta Sarajevo broj: U.O.01/04-1755/2-2012 od 20.07.2012. godine, a u skladu sa Odlukom Vlade broj 02-05-19288-9/09 od 11.06.2009. godine.

VI

Konkurs ostaje otvoren 15 dana od dana objavljivanja.

Konačna lista primljenih kandidata biće oglašena 8 dana nakon završenog Konkursa.

Upis primljenih kandidata vršit će se od 03.10. do 10.10.2012. godine.

Prijave dostaviti na adresu: Prirodno-matematički fakultet u Sarajevu, Zmaja od Bosne 33 i 35, 71000 Sarajevo u zatvorenoj koverti sa naznakom "Prijava za upis na doktorski studij na Odsjeku za _____ (Naznačiti Odsjek za biologiju ili Odsjek za hemiju)"

Više informacija za sve elemente Konkursa možete dobiti svakim radnim danom u Dekanatu Prirodno-matematičkog fakulteta Sarajevo, III kat visoke zgrade, Zmaja od Bosne 35, ili na telefon (033) 72 37 23.